

辟
雍
紀
事

辟雍紀事叙

余嘗讀雍志而深唏論事之
難也它志沿革廢興綱舉
目張大指不踰乎位著即風流
不墜刑典可師而為山景行亦

隨位著而止而辟雍獨爲文章
神樂之淵且表裏木天之署風
規鼓宥天下奉爲斗杓其論興
材育懷

高
皇帝曲聖芒在焉而鼓鐘煌煌

先聖之所首式憑也志雖載之
義本作人聲名文物輕重所
之一有不脩無以為常事之司南
故雍志眡他志加嚴之以雍子
眡他事獨宏且鉅也聞

神廟時有羅陽區公以奉常攝

監篆曾有雍中紀事一書廣布
見引鉅細咸舉今續志寔本是
書大抵志尚缺而子尚簡經拂
不合用約無詳其難更倍志

也惜志行而區稿遂軼識者激
有遺恨蓋先是安成吳公初始
志書先之紀子璧績經年乃
克臚分義類又歷有餘年始得
黃文裕公點次成集先軍著書

其難其慎如此續志謀獲于區迄
倬曷黃公暨吾師李公攷定倫脊
以付殺青緒公皆史才史筆著
述琅々而於志書每不輕屬草
豈非以攸關鄭重不與兵刑錢

穀等乎今觀正續二編諸公揚屹
苦衷後先合轍至沿革廢興動
關風教蒐獮放實鉅細班能何
異燭照數計而龜卜也獨以簡帙
稍繁闌橋門而觀聽者不能入

二祖
列宗

予一冊以觀

崇文養士之盛則嘆，尚有餘憾。
爲余學識，每攬輶聞，時思
附綴而忽，未竟所懷。丙子承大
樂正之乏，與城齋管先生共事。

鼓鐸之餘力攷廢墜隨務釐
舉而又嘗一時俊造雲集人文蔚
如緬懷曩昔如宋胡陳李諸先
生教典精嚴百務振刷愧瞠乎
莫繼其後乃循攷誌載間有逗

遺思與誠齋先生撫拾其子補
之而西志既成莫可添入適余年
家東粵盧君來典簿書携
一編至曰辟雍紀事盧君固世
家名雋胸笥甚濶此書罕得

黃李兩先生而區公之散軼者亦
聞有綴拾若北雍附見則東吳
馮子之詩輯也編不盈寸而
子蹟罔遺至

祖宗

作人之澤與先達課士之規又

綦周以核且要而不煩也。若夫道
取風規筆無梗避高山景行則
倣在茲辟雍有是紀也。勅司
南于帳中。諸士之嘆者。從生
殆無遺憾也。已獨有奇焉者。先

後成志如兩黃公與區李二公皆
東粵產盧君又以古莞之雋而表
裏二志而彰其闢遺桴鼓之合
若若有神告今俾致篋雍門者
不盡見志而能因之以見志東

粵四先生之功盧君且載半去
矣若夫蒐討較磨則馮子厥功
匪細馮子固東吳名宿以拔薦
志故得肆雅之暇相載筆
焉

賜進士第詹事府詹事兼翰林院
侍讀學士前南京國子監祭酒喻
德中允侍講簡討纂修

兩朝實錄充經筵講官管理

誥勅起居注召對記注

東魯年家侍生張四知頓首拜

撰

辟雍紀事引言

銘少從先君子得侍鄉先達
函丈每好求典故娓娓不厭
淳復如俾星黃公小灣李公
皆我東粵文章之伯謂孺子
可教輒進而詔告之兩公先
後拜南大

司成雍志實成二公之手故譚
雍事最悉銘聽之神逞焉會以
教奇制舉不售藉冑蔭鼓篋成
均所見所聞獲輒有紀而卒
未竟厥緒中心耿耿焉丙子夏謁
選入得南雍簿實掌士收廼

得因暇旁蒐博彌之顧鞅掌之
餘翰墨不浹遶吳門馮子以拔
雋至馮子麟經夙學聲噪四方
銘讀父書亦弔麟業向即與為
遙集之社聞其來急訪之一見
如有縞帶之素共譚成均故事

抵掌刺々不休余竒而叩之馮
子曰余遊屐所至每樂紀故實
而相諮訪焉頃水陸馳驅獨携
得

本朝憲典為行秘見有関太學
者輒筆記之因是積有寸餘蓋

在雍言雍非越畔也余心儀而
識之會其羽鏃韃戶雞鳴山寺
遂得其成均兩識一書與余所
紀間有異同而志頗合乃就前
後雍志而折衷焉事詳于南而
北亦附見則鎬豐并重意也凡

三閱月而書成銘再讀之不勝
菁莪撲棧之感也

今上作興士類每事法

祖惡貲監之濫而以俊髦補其闕

升選之法其慎其難非過有虞
于多士也政期得真士而用之

故仿鄉舉里選之意與徵辟參
伍而行以見制科外得士猶盛
如此維禎以寧詎必借材

二祖之代思皇丞蔚應有異士挺
出奏膚功而獻馘者故雖賢書
之雋亦使孫業于雍乃得偕計

吏而堅彛倫之堂者必妙極木
天之選猗歟橋門之盛此為盛
矣顧沿革廢興如轂斯轉而起
衰振弊必待其人後之視今猶
今之視昔匪觀往事安得南車
且濟，多士不知

祖宗養士之隆與造士之盛安肯
重報禮之思而追芳前躅乎兩
人之輯是書也非敢曰補志之
闕也志詳而事略攷事者弗獲
其詳亦俾共見其略云爾

東莞盧上銘謹識

紀事述言

并凡例七則

蓋開辟者明也雍以和之取類定名象成均而立義
尚賢崇德依冑教以作人在虞有上下庠之分于夏
則東西序以別殷人右學周氏東膠並以憲乞爲先
寔皆造俊之本夫安民之要雖云樂事勅功而建學
之初大指尊君親上繇是有父師司成樂正司業之
名繇是有論定後爵位定後祿之制聽鼙鼓之逢逢
塵龍光之肅肅舍菜合舞則皮弁再拜禮匹乎升中
采芹鼓南則胥齋交司放嚴丁時術在一人爲元良

之寄于萬國爲風教之同若干戈絃誦則又武之道
並行而訊馘讞因併兵刑之禮攸寓苟非百王之準
不在六藝之科故捭闔縱衡無能爲聖教之簧鼓而
刑名法律終難殄吾道于羸燔然當虐焰方深未免
微言暫息自漢高除挾冊之禁而博士開獻書之塗
于是遺教漸弋于輶軒宏文次登于金石迨東魯崇
牢醴之敬始西京浣馬上之風天人策射因江都而
知賢士之闕異等名聞采平津而廣弟子之選文學
彬彬輩出庠序奕奕景從顧孝宣經術雖崇終未遑

于構學卽蕭傳異同能考尚不嫻於成賢逮劉向辟
雍議陳則新莽玉步將改往以延儒訾王吉之腐今
因作學笑方進之迂亦伏帝祚重炎白水真人乃出
稽式古型肇興太學臨雍布席五更辨晰風生論難
執經多士疑情霧釋雖修文之勅事亦崇敬之偉觀
詞伯永平兼行燕射升堂辨說者一人園橋觀聽者
億萬冠帶縉紳之士皆云聞所未聞師儒子弟之容
頓覺盛而加盛文風丕振世德作求如定陶青瑯甫
迴則闕里金鑾遂集以至石經蔡篆駢闐摹勒之車

門學鴻都尚紡化成之轍鼎移三國閣燾五經蓋初
學之制弗遑則釋奠之儀亦簡代更典午議出征南
建武中興辟雍再建沿暨拓跋之君亦有四門之初
因俾武德之主及仍北魏之名乃知禮樂可興能使
華戎共貫此外如大定建學還號女真皇慶崇文更
移石鼓誰匪左言韎韜乃亦於論鼓鐘至於衍聖襲
封直似配天不朽雖曰道化之力抑有神告之靈自
唐貞觀以來暨宋淳佑而上凡逢天子視學必命師
臣講書如穎達之孝經若曹臧之戴記增秩不等加

齊有差敎澤所漸文風彌廣內不遺羽林之騎士外
不却卉服之裔夷斯皆近代徽猷未若

熙朝盛事龍章頻錫洋洋垂敎養之規玉趾躬親秩
秩異并登之數事必隆于曩昔條屢飭于彝倫豐鎬
思皇有澤棧模芄芄後先壽考相貽菁莪蔚蔚寢成
孔碩丹雘時新既考啓聖之宮齊聖不先父食載更
像設之位胡禮勿亂中華以及從祀諸賢無不釐清
一正素王匪偕時位何須顯號之加至聖已集大成
安用文宣之謚所以三百其禋藹藹王多吉士文治

以之愈隆從此億萬斯年濟濟世篤周禎 皇風與
之遐被第恨見聞有盡莫抽石渠金馬之藏猶幸文
獻足徵稍覩宛委嫻嫻之秘編年紀事例敢附乎麟
書監古知今義粗存于龜鑑謀篇尚簡誌載特遺所
恃典刑不墜或效秉鐸以涓埃若夫芳徽可師聊資
鼓篋之萬獲云爾

謹條凡例如左

一紀事既繁碎雍凡子雍敢無關者不敢潤入若

祖宗教育之規洎司成激勸之典纖悉具載至于人物

可備觀型士子時能建白有關風教咸錄無遺

一紀事必用編年從史例也洪武戊申以前未經建號故自甲辰至丁未四年別以原起志事之所繇昉也

一自洪武至天啓紀事凡十有五卷 神廟以前俱考之通紀及憲章典則吾學諸書而折衷于雍志其裨官所載雖艷睹聞弗敢采入懼失真也

一 神廟而下三朝事蹟參之從信世法等錄而實以續志爲本至

今上聖曆無疆所加惠兩雍者不勝殫述以睹記未
校不敢擅登止載盛事一二及兩司成陞除歲月
以誌壽考作人之大端云

一雍中有先達題詠遺佚不能盡傳聊存數章以見
風流之未墜

一雍中樂章祀典及金石圖書羽籥豆籩之屬兩志
甚詳不敢復贅惟是官階職掌及勅修錢穀之事
綱領繫焉特分四考并于紀事之前

一事詳于南而北則附見蓋在南言南未敢越俎也

若兩司成陞除之目北亦存什之七焉所載事則
皆名教攸關瓌委弗附

東莞盧上銘爾新氏

全述

吳門馮士驊仲先氏

辟雍考

凡四則

一官秩考

志曰虞書命官周禮迨則在地官則有師氏保氏在
春官則有大司樂成均之法所以贊師保之教也當
是時也雖王世子猶齒於學而況國之俊選有弗造
乎乃若命官之義古燕享必推高年舉酒而祭示有
先也取賢欽才於郊而進之謂之郊人天子養老飲
於成均則郊人亦得酌於上尊以相旅漢沿古制擇
博士聰明有威重者一人命爲祭酒合國子弟使授

辟雍考

一

經焉猶父師也司業置始于隋而唐宋因之豈卽師氏敷教而保氏爲之貳者與禮曰樂正司業父師司成誠重之也若夫丞屬之設亦各有所昉焉在戰國力政爭雄之世已有博士掌通古今獨秦置博士僕射不以施教眎周官背且馳矣漢有博士多窮微闡奧以立教其後乃轉博士僕射爲祭酒以長之而其任加重焉晉始朔學祭酒下卽置博士唐因之輔以助教分經訓廸隋乃置丞掌判監事唐亦因之學錄掌錄課業宋增置正各五人掌行學規違則糾罰之

元初人主學教弛弛雖有國學多用其醜類吾道其窮矣

聖祖龍興凡播棄賢者皆登而進之學初置博士聽尋立國子學所用皆履行清淳通明典義之士至十五年改學爲監設官兼唐宋之制而教法與周比隆若網在綱有條不紊任斯職者雖小胥大胥之屬僉號清華思義顧名隆儒重道之意恍有臨之在上者矣謹列官秩沿革如左

祭酒一人秩從四品司業一人正六品其屬監丞

一人秩正八品博士五人助教十五人皆從八品
學正十人正九品學錄七人從九品典簿一人從
八品典籍一人從九品掌饌一人未入流按司業
監丞初設二員後各裁其一博助正錄等官因分
南北兩雍俱半裁之掌饌自合饌廢遂不設

一職掌考

周禮司徒掌邦教擾萬民師氏保氏諸官皆所分隸
秦漢以後司徒專領度支六經七教之任太學專主
焉我明班朝蒞官各有統紀至地在仕學之介必推

幹於國學蓋亮采惠疇大麓攸寄猥不欲卽付瓌屑
拘墟爲幅俾精神廓然大其體以究其用而微從董
廣輝成一覲張弛故國學官率用詞臣序補下逮丞
貳諸曹雅素橫經不減胥籥師承執禮典書遺制皆
有職矣居是位者宏猷遠智潔心高行激揚風軌不
可勝數當亦朝廷有以勸之紹述鴻修亦在體

聖祖設官之意斯不忝負墻之長云爾謹條職掌大略
如左

祭酒掌國學舉人貢生官生恩生功生例生夷生

幼勳臣訓教之事以釋奠爲職惟綜大綱司業爲之貳提調六館而課其經莧凡訓誨諸條同奉監規而損益焉要在明體適用以孝弟忠信禮義廉恥爲本隆師取友讀書寫字爲業其率教者有升堂積分及格敘用之法不率者撻而識之凡課業倣書季呈翰林院文冊歲一奏上每歲仲春秋上丁遣大臣祀先師則祭酒總其禮儀遇

上謁先師同司業執經講義其屬惟監丞得叅領監事廳曰繩愆蓋太學之司直也凡生徒怠慢不

率者糾懲之而堅明其約束博士人占一經以助
教翼之學正五人正容儀與其句讀錄七人錄課
倣與其日程分坐六堂專職教誨典簿典出納文
移受支金錢季報課業卽古大胥掌學士之版者
也典籍司書庫完鑰凡經史子集及制書俱以特
省祭之掌饌飲食師生每歲終祭酒受成而勸誠
之務以廩饌贍師生以力役給厨饌以賜予示恩
賚以寧假惜人情以撥歷練吏事以考選汰冗濫
申明訓誡修舉廢墜必加之意焉

一初修考

稽古太學者五學之中學位曰明堂義綦重矣漢唐
來辟雍四門苟不蕪弗卽稱右文自是以降時流用
廢規制因之大抵化民成俗之區損益替隆動關天
步我

太祖酌古準今自洪武十五年更學爲監繇先師廟
庭以至正屬官舍生徒講學燕射之所萊畦醫藥諸
地靡不上墜
宸慮輕重布之

列聖相承三百年如一日雖兩都並峙而薪樵遺澤苞
茂舊京率

祖攸行鎬豐無二是故入闕廟而瞻鼓鐘之瑰麗俎豆
之輝煌則明道修德之念必舉矣升堂階而頰冠帶
之雍容巾舄之魚雅則正表樂育之心必動矣研精
於辨論之林比耦於正直之圃而日討訓寔效則經
綸禦侮之志必奮矣况乃藏修游息均稍食時疾苦
歌咏既醉圖報寧緩乎哉謹條初修年次如左

一查國學初始於洪武十四年工成於十五年之

五月至景泰時重修天順年再修皆吳節爲祭酒
二修於成化時周弘謨爲祭酒三修於弘治時從
監丞陳旅之請也四修於正德時乃祭酒賈詠倡
諸生共新之五修於嘉靖時司業郭惟藩力請撤
毅皇南征私宅材充用六修於隆慶時祭酒姜寶之所
請也七修於萬曆十六七兩年至二十七年祭酒
郭正域重修廟殿及東西兩廡八修於三十年從
傅新德請文廟及西門簷瓦俱用青琉璃四十二
年祭酒蔣孟育重修彙倫堂四十六年冬祭酒周

如晉又修誠心崇志廣義三堂四十七年司業施鳳來重修啓聖祠天啓三年祭酒黃儒炳重修率性修道正義三堂崇禎九年祭酒張四知司業管紹寧重修文廟并兩廡碑亭廟門神厨神庫櫺星門宮牆典簿盧上銘董其事而以助教顏繼夔楊廷慎協理之凡五閱月而工成僅用三百餘兩工堅費省橈楠一新人咸謂前此未有云

錢穀考

舉稽周官司徒掌邦教以佐王安擾邦國師氏保氏

隸之以稍人委人之職聽於倉廩人都其所入而後
奉三物從事今太學之屬以典簿掌學士之版儲藏
以納九穀稽官事而制其食一出入用贊師保髮
髴古米廩委吏遺則此非獨爲索米者資也授粢以
好緇衣猶古養賢致民之意今度廩入之所取盈官
師三之生徒四之胥吏輿臺又四之解納不時出孔
浮入雖使弘僅爲大胥枝梧歲月將不免鼎趾之懼
此雖時詘使然而徵發期會間似不可不請
天語一申飭也謹條錢穀出納如左

一本監錢糧皆

祖宗養士之典魚肉米豆鹽菜總爲師生而設自會饌
改爲支糧膳夫改爲僱役而乃有公用之名胥吏
因之蠶食兼之外解不時叅罰莫峻越秦肥瘠旣
艱呼吸之通辟沼清華又耻凌蔑之問陳逋相積
蠹竇難稽完錢穀者岌岌乎將有巧婦之懼矣
一通弄錢糧一年所入止二千八百二十一兩八
錢八分除柴直各官自收丁祭本項支用盤費醫
官自領及紙劄徒夫多年不到外各官該七百四

十七兩三錢五分諸生以全廩三百半廩一百爲
率該八百四十兩吏典四名該三十三兩五錢八
分醫官二名五兩六錢九分廟戶五兩廟號書手
門皂等工食啓聖文廟土地祠香燭各官謁廟茶
菓共該銀二百九十四兩三錢一分季考二次八
十兩內課十八次并考到供給六十三兩又習儀
送表上陵茶飯九卿元旦謁廟全年升監茶菓季
報冊揭工食路費點風油燭神醮食鹽船脚吏典
簿書紙劄曆日炙硯冬炭門神等項共四十九兩

六錢五分全年共支二千二百五十三兩五錢八分膳銀不過五百五十八兩三錢內膳夫乾魚等銀強半拖欠且又有二丁二至宿齋供給蒲除賞紙陞任新任公賀公宴辭堂郊餞修理刻書科舉貼黃濟貧助賻等項大約歲不下五百金量入爲出勢不容不力爲節省而各府州縣拖欠又豈得不嚴爲催償乎今查拖欠數大約萬有餘兩雖荒歉時有然此乃養廉養士急需恐不得比照別項也

一通筭糧米有白饌糙米二項白饌米一千五百石糙米該一千石額派靖江縣解送簿廳手本送戶部湖廣司呈堂俟解米到部轉文到監收倉聽放

一本色糙米俸糧官俸折銀定於弘治十四年共四百石每石折銀七錢先期簿廳手本關南京戶部湖廣司呈堂坐派常州府各屬解部轉文到監呈堂貯庫聽支

一官俸四月分全折絹每二石折絹一疋價七錢

八月分全折布每一石折布一疋價三錢各官全
支該銀二十六兩八錢八分九月二分解鹽俸米
一斗折鹽六斤有零先期冊送湖廣司查月具領
狀差吏至鹽倉領回分送十一月并監生吏典俱
三分折麥每一斗折銀四分俱赴部關領

一各官秋冬俸鈔例支絹布在內府關支關領不
時每遇推陞各官因于簿廳借銀充送後將布絹
賣償各官陞遷頻數遂多逋欠此亦匱拙之一端
合宜相體免借

一各官俸鈔每米五升折鈔一貫改折銀二分一釐一毫具狀赴內府九庫關領除吏外各官共支銀九兩九錢一分二釐下半年折細布

一膳夫銀舊例不散監生嘉靖六年北祭酒嚴題

准按季散諸生每年額銀一千兩蘇州府嘉定六十

兩太倉二十兩常熟六十兩崑山一百兩松江府

華亭一百二十兩上海七十兩青浦四十兩常州

府江陰五十兩宜興九十兩無錫六十兩武進三

十兩徽州府婺源四十兩休寧八十兩歙縣六十

甯國府宣威六十兩寧國十兩涇縣二十兩旌
德十兩壽陵二十兩已上俱各縣解赴南禮部儀
制司轉文到監呈堂驗收按月分散師生

一乾魚銀額派湖廣布政司每年二萬二千一百
二十五斤每斤折銀二分共該銀四百四十二兩
五錢解南京戶部湖廣司交收知會本監簿廳具
領逐月分散師生此一項連年全欠令無題疏

助餉

一饌肉銀額派應天府宣課司解納每月肉一千

八百斤每斤折銀二分二釐加耗肉一百八十斤
每斤折銀二分通共四十三兩二錢每年該五百
一十八兩四錢每月都稅司十五兩一錢六分聚
寶司十二兩九錢六分江東司八兩六錢四分龍
江司六兩四錢八分解到卽給印批呈堂掛號以
防書役私收作弊

一香油椒料銀每年共該銀四十八兩又醋醅銀
七十二兩舊派鋪戶解用今改部司呈堂行應天
府動支戶口食鹽銀兩一齊解監

一黃豆銀每年計一百石每石折銀五錢共銀七十兩坐派太平府各縣解到呈堂驗收聽放

一小麥銀每年計一百石每石折銀四錢共銀四十兩坐派寧國府各縣解納

一支鹽每半年會計食鹽約三千餘斤醬鹽全年一千八百七十五斤腌菜鹽全年五百餘斤簿廳手本戶部發鹽倉關支又戶口食鹽司典吏納鈔戶部支放領文往儀真鹽倉支回分送

一柴薪銀每名一十二兩遇閏加一兩簿廳照見

在官數具手本差吏赴南京兵部武庫司關領照
原封分送東廂六名南廂四名廳堂各二名

一額設皐隸直堂十名把大門二名看庫三名西
廳直廳三名簿廳直廳二名共二十名每名折銀
一十兩亦從武庫司關領東廂送九名南廂六名
一刷印工食每年上元縣額解二十名江寧縣二
十八兩簿廳收貯崇禎六年立定匠頭四名每名
給價三兩六錢餘銀爲修補書史之費

一庫子工食十兩額派丹陽縣解武庫司簿廳手

本領收

一紙劄銀每季一兩該南京刑部山西司支領今全欠

一議設徒夫看守文廟等處刑部撥送每名納工銀一兩四錢四分今無一名到者合查催補解

一貼辦銀南吏部驗封司撥送辦官八名辦吏十名每名納辦銀三兩六錢共六十四兩八錢按季給兩廂長班八名工食今全欠合查催補解

一丁祭銀如紙劄油燭灰瓦稻草等項上江二縣

每丁共該銀七兩五錢三分五釐簿廳收支

一支數除柴直外東廂歲支九十七兩六錢三分
八釐南廂八十一兩七錢五分監丞四十六兩九
錢一釐博士助教典簿各三十八兩一錢六分七
員共支銀二百六十七兩一錢二分七釐學正三
十七兩二釐四員共支銀一百四十八兩八釐學
錄典籍三十五兩八錢四分二釐三員共支銀一
百七兩五錢三分三釐

一監生額米無家小饌米三四五六七八九十每

月計三斗正二十二每月止二斗五升五合十二
月減十分之三加小麥銀二分二釐半廩半之半
廩者未成材也家小月糧糙米三斗遇十一月減
九升加麥銀三分六釐遠方貢士加家人米三斗
一醫官工食并藥餌雜費二員共十五兩二錢此
項似可裁

一廳堂官到任例有修衙銀四兩例印史記一部
兩漢書二部南雍條例儀節一部折銀一兩四錢
三分

一西廳書手一名工食五兩四錢簿廳書手二名
每名加一兩八錢共十四兩四錢籍廳門子二名
阜隸二名原止一名其一俱屬移撥共十六兩八
錢協管書手工食六兩買辦門子四名工食每歲
十五兩八錢四分庫子二名工食每名五兩共銀
十兩

已上銀俱於膳夫銀內支筭查得萬曆二十三
年十月在庫銀尚存四千八十餘兩二十四年
十二月止存二千三百二十八兩四十七年四

月止存一千九百三十一兩至天啓二年七月止存八百四十餘兩崇禎八年又折米銀二千三百兩至崇禎十年二月僅存在庫折米銀七百兩雖節經裁省各項銀而出終浮入今若不極力樽縮後將安繼

一簿廳錢糧事無大小皆奉廂批而又有協管凡開庫開倉限同支放限同登記

一銀貯上元縣庫立簿三本一存東廂一存簿廳一存縣庫

一出納文冊逐月開報兩廂有錢糧收簿錢糧支簿米價收簿米價支簿放米簿監生不到饌銀簿循環二簿一存東廂一存簿廳遞相更換凡歷六月一查盤屆期簿廳請廂臺委廳堂廉明官二員或於彝倫東堂或於文昌閣公同查對務要領狀與循環簿相合然後印查同二字於前件之下

一簿廳月報歲報等冊并交代冊皆親自磨勘舊管新收實在總撤詳明不致役書游移上下也

一月饌銀每十兩加耗五錢各官俸銀加耗五分

一饌米上倉交晒須用晴日每日二百石卽日收倉收完再馱周而復始遇雨則止以防刁勒雨淋之弊

一買米廳堂例止三石陞任例止五石兩廂陞任任意買多寡其價定額每石三錢貯廳爲印書刻課等費

一倉米一年正數約放二千五百石或有餘剩留廳爲修理倉庫及刻課之用皆登記詳明每米一石該糧長出蘆蓆銀五釐今查舊蓆尚堪搭用餘

席爲丁祭季考之用可也

辟雍紀事原始

甲辰至丁未凡四

東莞盧上銘

全輯

吳門馮士驥

按國子監初爲國子學

高皇帝削平元亂歲甲辰卽吳王位擢詹同吳彤爲國
子博士同字同文婺源人少受易于甘楚才受春
秋于劉彭壽二人皆當世名儒以經術名世至正
中舉茂才異等王師下武昌遂來歸除博士屬中
書省已集功臣胄子于內省命同教之與彤俱改

國子博士同爲文操筆立就祭先師樂章皆出其手仕終吏部尚書彤字文明臨川人登元至正丁亥進士時成均初設建立規制彤皆與焉後改北平副使○魏觀吳琳爲助教觀字起山蒲圻人琳字林玉黃岡人王師平陳友諒徵用荆楚名儒故與觀並擢助教琳性資醇厚力于問學通毛詩小戴記後歷陞吏部尚書致仕

上命同等教胄子于內府次年乃置學卽元集慶路儒學爲之設博子助教學正學錄典樂典書典膳

等官以許存仁領博士存仁初名元後以字行金華人○以李曄張濟潘時英爲助教完哲爲學正鄭貴杜環爲學錄環字叔循金陵人博通經史長于翰墨書法端妍行草俱各臻妙以儒士薦除尋入侍春坊終太常寺丞

○乙巳年闕

○丙午四月以前金谿丞朱夢炎爲博士炎字仲雅進賢人登元至正辛卯進士爲金谿丞

上登極以故官入見延居上賓館俄除國子博士俾

領青子教之訓迪有方靡敢不率○七月以蘇伯衡爲學錄伯衡字平仲金華人本宋尚書僕射穎濱之後有名遲者守金華因籍焉少警敏絕倫中歲大肆力于文章人以爲得眉山宗派元末舉鄉貢進士至是以薦授國子錄○八月命許存仁進講經史至洪範休徵咎徵之應

上親爲析解併示君臣交修之旨

○丁未吳元年五月以博士朱夢炎爲翰林國史院修撰未幾以小忤坐謫再起行省員外郎歷陞禮

部尚書夢炎博學善記通歷代文獻之學朝廷稽古議禮審樂炎大有力焉○七月選樂舞生隸太常供釋奠之用○十月陞許存仁爲祭酒劉丞直爲司業丞直字宗弼贛縣人太學堂上官自存仁丞直始存仁嘗自言曰吾起諸生承暉明兩之間惟一誠對越耳後竟以歸省與浙江僉事程孔昭忤昭撼牙床娶妾事劾之安置韶州丞直幼穎悟博通羣籍後從太和王以道授易盡得其所藏書學益贍而文益雄擢至正進士第入國朝

高皇帝召見與語奇其才卽除國子博士茲復拜司業
以貳存仁立規條訓士雖貴游子弟目不知書者
經直誘掖皆通大義一時學者敬業樂羣多跡顯
仕後改浙江按察僉事一道肅清○以蘇伯衡爲
學正衡爲正屹然以師道自任凡公侯卿大夫子
弟咸奉教惟謹○以陳世昌署典簿陳完義署博
士高暉署助教張溥署學正時監員初設濟濟已
備官焉

薛雍紀事一

戊申至于今凡三十五年

洪武戊申元年正月

上登極國子學進賀表辭獨華贍

上甚喜蓋學正蘇伯衡草也○二月以太子賓客梁

貞兼祭酒

上命貞倣周制以六德六藝從容訓迪務底于成有
異材出類者卽奏聞擢用之○秋八月復遣官釋
奠于先師孔子禮官條議丞相初獻翰林學士
亞獻祭酒終獻從之○是年命品官子弟及民間

俊秀能通文義者充國子生自是田野俊民執經就列與貴游齒者日盛乃有官民生之目焉古太學原有凡民俊秀故令民生得充國子今人貴者因得冒俊秀之名

○巳酉二年正月詔給國子生冬夏衣胄子在內府者皆出受業太學歲賜衣以爲常○以曾旦爲助教旦初名旭後以字行臨川人雅性溫克素以文行知名受教者多樂就之應對無不稱旨錄是數承顧問後擢禮部主事卒○四月命博士孔克仁

授諸皇子經功臣子弟亦令入學○以儒士錢宰爲國子助教宰字子予會稽人以薦舉授時設法嚴密太學生俱苦之伺樂就宰以其和易近人也十年請老授國子博士賜敕致仕後訂正書傳會還復遣行人馳傳徵之書成予告賜資有加○六月定太學生資格按積分之議本此錄廣業堂進升至宰性得選用出身凡積分以八分爲率每季定三試分經書論策課之及格者銓選與進士等○是年擇國子生巡行列郡舉職者竣事復命

卽擢行省左右叅政各道按察僉事及知府等官

○庚戌三年春

上坐奉天殿召國子助教貝瓊博士趙俶等諭曰汝等其一以孔子所定書誨諸生若蘇秦張儀戰國尚詐之說戒勿讀瓊字廷臣崇德人篤志好學

博通經史百家之學年四十八始領鄉薦至是薦修元史遂除助教嘗慨古樂不作賦大韶以見志又建議立五學上不用瓊因作釋奠解九年遷中都國子助教○俶字本初山陰人博通經史爲

文選健尤長于毛詩以薦召講論經史稱奇余國
子博士教習子隨扣輒應莫不樂得經師○二月
以儒士李叔正爲學正正初名宗願字克正南昌
人生而聰穎善悟十二以能詩聞及長博通諸子
百家之言以薦授今職未幾告歸尋復以薦徵至
京師仍授國子正遷渭南縣丞陞興化知縣尋召
爲禮部員外郎乞骸不允除國子助教叔正凡三
至太學與諸生立課程而督勉之雖貴胄不少假
遷監察御史終禮部尚書○詔國子生及郡縣學

生皆習射後遂有射圃之設○七月 御筆宣學

正蘇伯衡爲國史院編修辭疾不拜請歸養許之

○九月梁貞放歸貞字叔亨浙新昌人辭轉運使

拜太子賓客日侍 太子讀書大本堂俄兼祭酒

坐事故歸卒于家貞爲人端慤寡言碩儒多愛之

○十二月以學士魏觀爲祭酒○編修宋濂爲司

業濂字景濂浦江人爲開國儒臣之首常作六經

四子論以迪國子○是年設科取士令國子生就

試京闈連試三年後三年一舉○設中都國子監

○辛亥四年正月詔擇府州縣學諸生之俊秀通經者入國子學

上時親試之前列者必獎諭賜賚○三月策士于奉天殿以祭酒魏觀爲讀卷官命進士吳伯宗等赴國學行釋菜禮著爲令○四月祭酒魏觀司業宋濂俱乞歸許之旣行復召還

上御門賜宴○七月司業宋濂上 孔子廟堂議言先聖宜西向 先師宜南向像設非古宜改木主釋菜禮宜以時舉不得專用春秋啓聖公宜另爲

一祠列食廡間非體力開荀况楊雄王弼賈逵杜預馬融諸人不宜從祀

上不允○八月京闈鄉試以濂爲副考試官未幾坐考祭禮稽緩與觀俱降知縣十一月復召還皆以爲禮部主事親後知蘇州府著有治績遷四川參政仍留治蘇後卒 上親爲文祭之濂後官學士承旨兼嘉議贊善大夫致仕歸歲時來覲親厚養之宴賞恩遇如家人父子然竟以子璉累安置茂州迨卒後諡文憲所著有潛溪蘿山龍門子等集

行世○命學士承旨詹同侍講樂韶鳳撰釋奠樂章頒太學厚後爲祭酒

○壬子五年令公侯伯承襲年幼者入國子學讀書
○四月以國子生王鐸攝監察御史鐸等侍讀王宮至是試用之○五月有事方丘選文學能賦之士以從學正夏閱學錄蕭執皆與焉執字子所奉和人頌洪武辛亥鄉薦選國子學錄令分教公侯卿大夫子弟因其材質多所造就 駕詣齋宮奉旨同兵部尚書吳琳禮部尚書陶凱禮部主事宋濂

分韻賦詩多蒙獎賞後以親老丐歸侍四疏乃得
請歸家鄉之子弟執贄往從者戶屢相屬執親喪
廬墓三年免喪僅領邑教不復赴闕有詩集劉子
高序而行之○十月天下貢士至京師

上命選年少者得黃昶等令入國子學讀書講明律
令

○癸丑六年正月詔選成均之秀入武英堂伴練習
政事得蔣學方徵彭通宋善王惟吉等皆拜給事
中○詔科舉暫停令有司察舉賢才仍令吏部選

國子生之成材者與所舉叅用

○甲寅七年命國子監擇監生通經術者千人送吏部銓州縣官厚賜而遣之○復詔丞相御史擇國子生質美而能文者得郎敏等三十五人命博士趙俶日課之俶令修辭必以班馬韓歐三蘇爲法尋擢諸生李瓚黃義入文華武英二堂說書多至大月敏亦仕至饒州知府

○乙卯八年以張迴高達善黃琮張美和爲助教美和字孔韶清江人幼穎異年十三卽能詩辭博通

經史初以薦授縣學諭其爲助教也每課諸生端坐不言有所請問徐荅一二語義理明電人深服之遷編修致仕著述行世者甚多○三月命丞相往國子學考較老成端正學博經通者分教天下令郡邑廣其生徒而立學焉○又命御史臺精選國子生分教北方

上諭之曰致治在乎善俗善俗在乎教化教化行雖問間可使爲君子教化廢雖中才或墜於小人近北方喪亂之餘人鮮知學欲求多聞之士甚不易

得今太學諸生中有文長行優者俾往北方各郡
分教庶使人知務學人材可興于是選國子生林
伯雲等三百六十人給廩食賜衣服而遣之伯雲
年纔弱冠時寧海葉伯臣以年長通經術升入太
學亦在此選得平遙訓導課士竄有聲○十一月
召致仕禮部尚書陶凱爲祭酒尋以老著參政致
仕凱字中立臨海人博學善屬文洪武初薦修元
史遷授太子書尋除翰林應奉文字超陞禮部
尚書未幾出爲湖廣參政致仕至是復起祭酒

上聞其自稱耐久道人曰何自賤也遂罷之

○丙辰九年三月以武英堂紀事國子生黃義爲湖廣行省叅政○六月召前翰林學士樂韶鳳爲國子司業鳳字子善全椒人○九月遣國子生往陝西祭平涼衛指揮秦虎國子生有差始此○命國子生分行列郡集事之未完者如古行人之職賜路費而遣之○十一月御史臺奏博士趙俶年踰七十加翰林院待制致仕仍給以誥命賜錢二千五百緡未幾助教錢宰亦請老授國子監博士致

仕

○丁巳十年召前開封知府趙新爲助教會考社稷
禮儀不干朝堂對奏罪當杖

上宥之○十月召分教郡縣者還京令吏部擢用時
林伯雲自陳年少乞省親

上從其請劉誠意有送行詩深致慰勉部下盛傳之
○伯雲黃岩人

○戊午十一年九月賜中都助教貝瓊致仕○以助
教張美和爲翰林院編修

○已未十二年二月召前丹徒知縣李思迪爲助教
思迪濟南人登元進士第○三月陞司業樂韶鳳
爲祭酒 賜敕獎諭鳳有智畧能文章從 上渡
江參贊機事重定洪武正韻○陞助教孫作爲司
業作字大雅江陰人後獲罪爲民○七月助教馬
從龍聶鉉各自陳年老循例增秩以翰林應奉致
仕 賜道里費○

上一日聽朝之暇延諸儒臣 賜坐便殿講論治道
時國子學官李思迪馬懿緘默不言

上憲之 敕諭國子師生曰賢者以學爲本推而行
之有裨乎國家無愧乎所學俾善名立於兩間斯
成爲賢若懷詐自私上無助於君下無補於世朕
何賴焉如李思廸馬懿者朕以其教官日召同遊
期在嘉言善行啓朕未明輔朕不足乃終日緘默
旁有講說者因而問及不過就他人之辭以對未
嘗獨出一言及遣侍東宮緘默如故學孔孟者固
如是乎且事朕如此安肯盡心訓國子生乎朕今
諭爾等自今爲師爲弟子者一以孔孟爲法副朕

責望之意慎無如李思廸馬懿之爲也

○庚申十三年十一月徵故藍山知縣宋訥及敎諭楊盤爲助教儒士張叔廉爲學正因四輔官王木等薦有學行故也○是年祭酒樂韶鳳免○以明經石光霽爲學正霽字仲濂奉州人少穎異讀書五行俱下從元侍讀學士張以寧受春秋因相與訂定春秋經說四方髦士多從之遊後遂收授春秋博士復作春秋鈞玄二十卷學者競傳習之

○辛酉十四年正月擢助教趙新爲山西布政使郝

仲誠爲陝西左叅政馬懿爲江西左叅議王景範
爲湖廣右叅議試司業張勵爲山東右叅議○三
月敕召致仕刑部尚書李敬爲祭酒敬字鴻浙江
都人致仕禮部侍郎劉崧爲司業崧字子高泰和
人陞見各賜鞍馬○四月命國子生讀劉向說苑
以其多載前言往行有裨勸誡也○司業劉崧卒
上親爲文祭之崧元末領鄉薦遇亂不及會試遂放
授于鄉洪武三年以村學舉至京師授職方郎中
六年陞北平按察副使尋以事掄作京師放歸會

胡惟庸敗罷中書設六部手敕起禮部侍郎後以老致仕 上復思其老成宿學以國子司業起之到京不踰月而卒 上深用嗟悼賻恤有加所著有北平八府志及職方集行世○起原任春官龔敦爲國子博士教字文達鈴山人學博行淳前以明經爲御史蔡孟芳薦徵至授春官時設春夏秋冬四官命爲四輔最重其選○八月以國子生茹瑄爲承敕郎○命祭酒李敬釋奠 先師孔子○九月以學正李叔荆爲編修○十月以吳源爲司

業源字性傳莆田人初以明經歷官四輔請告歸
至是起用尋卒于官○是年更定國子監官品員
數如今秩○改建國學于雞鳴山之陽先是南宋
元嘉中並建儒玄文史四學儒學立于北郊命雷
次宗掌之次宗因開館雞籠山今國學卽其故址
也後谷變易墟墓莽蒼每風雨之夕鬼嘯悲淒行
人避者誣道崇眩因建雞鳴禪寺設齋普度而悲
號不止逮夜卽飛磚擲瓦僧人恐怖上聞曰非
孔子大聖不足鎮之遂遷大成木主于此自是不

復爲崇乃建學焉

上一日登雞鳴山見其下地平敞又遠市朝莞然喜
曰此天所藏以貽朕興一代學也遂命工部鳩工
締造

○壬戌十五年春改太常寺丞前翰林院典籍吳伯
宗爲司業署監事固辭不拜

上怒貶陝西金縣教諭至淮召爲翰林簡討宗名祐
以字行金谿人十歲通舉子業先達見之曰此見
玉光劔氣終不可掩洪武庚戌首領鄉薦辛亥心

書省列名在前 上親製策問擢第一時初開科
得伯宗 上甚喜除禮部員外郎命與學士宋濂
等同修日曆八年忤洋庸請居以陽復上書極論
權相滋久必爲大患 上覽奏卽召還賜紫衣鈔
錠尋奉使安南得馴象方物以歸除國子助教十
二年進講東宮復改典藉尋擢太常寺丞至是陞
司業不拜後在史院復坐逆文字不以特請滇南
卒伯宗爲人不苟嬖阿以是頻獲罪譴然天下愈
高之所著有南宮集使交集成均玉堂集○四月

擢儒士吳顥爲國子祭酒 賜敕勉勵顥字伯昂
歸德人○五月國子監落成

上謂禮部尚書劉仲質曰國學新成朕將釋菜命諸
儒議禮議者乃曰孔子雖聖人臣也禮宜一奠再
拜朕以爲聖如孔子豈可以職位論哉今朕君臨
天下敬禮百神先師之禮宜特加尊崇仲質乃與
諸儒定議行四拜禮從之

上幸學祭 孔子服皮弁執圭再拜獻爵復再拜乃
退禮成隨御講筵祭酒吳顥等以次講畢

上諭題曰天下言道之中正者莫如儒孔子生周末
身儒道行儒行立儒教率天下于中正故爲萬世
師卿等爲人師表政當以孔子之道立教使諸生
知所趨向復命取尚書大禹謨洪範親爲解說反
覆開諭羣臣聽者莫不悚悅遂賜宴竟日而還

上幸學回宮

后聞太學諸生有携挈妻孥者無所仰給勸

上賜以月糧遂爲永制○七月以博士龔敦爲左司
業○以翰林簡討王嘉會爲右司業會字原禮嘉

辟雍紀事一

興人以應聘至京授簡討尋陞今職敦與會嚴立楷範士子肅然敬憚之時春秋皆已高鬚眉髯如正其衣冠旦夕端坐望之尊嚴若神

○癸亥十六年正月免祭酒吳顥還鄉因武官子弟怠學顥不能繩簡故也○陞宋訥爲祭酒訥字仲

敏北滑邑人初舉進士爲鹽山知縣未幾謝仕洪

武十三年徵詣公車授國子助教橫經發難開部

擊蒙學者爭歸之上幸學命公爲文立碑太學

性翰林學士時殿閣初設隨入爲文淵閣大學士

至是代題爲祭酒

上手敕諭之曰卿宿學者德尚體朕志使諸生有成
○命祭酒朔望行釋菜禮○設置五經博士定擬
學規○二月命試天下歲貢生員以前此入監多
庸才也仍命禮部榜諭天下自明年爲始歲貢生
員正月至京師從翰林院考試經書義各一道判
一條中式者入監不中者罰之其考中者再考等
第分堂肄業○以翰林侍書吳沆爲博士沆字潛
仲金華人以博學儒士舉除翰林待制後屢進屢

蹶至爲東閣大學士復以進講後期改侍書尋改
國子博士時文制大興沉獨謂兵不可廢以五經
七書多依託之言遂以易詩書禮論孟諸經辭義
有涉于師征者輒而類之命爲六經師律至十九
年以老疾乞致仕沉富蓄遠覽志負經濟三進三
黜而無喜愠人以此多之

○甲子十七年二月以博士賀貫爲陝西布政司叅
政學錄劉脩爲山東右叅議○七月右司業王嘉
會辛厚卹其喪敕所在官司祭之○是年國子生

升至率性堂者入試文淵閣擢楊文忠爲首除永
福縣丞蓋因初取重丞簿之選卽進士往往除授
○乙丑十八年正月召前國子助教聶鉉至京師同
翰林院待詔朱善主考會試是科得黃子澄練子
寧丁顯俱國子生

上大喜陞善爲文淵閣大學士并收獎祭酒宋訥時
上欲用鉉鉉以老力辭授廬陵教諭俾祿養終其身
鉉字器之清江人洪武辛亥進士名在三甲得廣
宗縣丞時地旱蝗鉉聞于朝上遣使視災傷悉

獨其稅秩滿授翰林待制以老疾辭改國子助教
訓功臣子弟成就繩簡遷史院典籍以老疾賜歸
復召典南宮試亦異數也

上以春久不雨時多霜雹諭中外百司言事宋訥應
詔陳言獻安邊策云備邊固在乎實兵實兵尤在
乎屯田屯田之制必當法漢本始年中匈奴帥十
餘萬騎而南欲爲寇漢將趙充國乃將四萬騎分
屯沿邊九郡單于聞之引去夫以四萬騎分屯九
郡而充國統制其間則當時之籌畫區分概可想

見我朝諸將中勇智謀畧豈無如充國者選得數人每將以東西五百里爲制隨其高下立法分屯所領衛兵視充國兵數斟酌損益率五百里屯一將布列沿邊之地遠近相望首尾相應耕作以時訓練有法遇敵則戰寇去則耕此長久安邊之策也

上嘉納之遂令邊軍皆屯田且耕且守著爲令按屯田法國初可行而今獨不可行者蓋開墾甫熟輒徙其官因之豪右兼併遂如河南南陽不可問其

硃確者又易拋荒故不能垂久今欲復屯其兼饑
商開中之法行之乃便乎○四月助教金文徵嫉
祭酒訥方嚴與同鄉吏部尚書余煥謀逐之吏部
突移文令訥致仕訥陛辭

上驚問故召二人面質時方嚴昧吏之罰徵誣訥受
公侯餽爲賊

上怒曰禮師父兄盛節儒者之榮也何謂賊叱煥專
擅威柄并文徵誅之敕訥安心供職勿以是而替
威儀訥悚戢益用自礪○訥爲祭酒嚴準繩推恩

義身言並敎鍤不遺餘力寢食東廂未嘗一歸
休沐

上時時召與問對亦時至太學臨觀一日

上召問卿昨默坐廂房色頗厲何也訥頓首言臣荷
皇上恩厚勉竭犬馬力造士昨生徒乃有傾跌失容
者皆臣不能誨迪所致故靜自尅責耳

上嘉嘆訥頓首問主臣犬馬臣動息

聖明何從知

上曰朕欲時見卿念學事煩又不欲數數故遣畫工

圖卿像以來因出像示訥訥感泣頓首謝

上念其老召其子望江簿麟侍養○改魯府長史葉
思永爲司業尋陞禮部郎中○八月命都督府送
武臣子弟入國學讀書諭之曰武臣從朕定天下
以功世祿其子弟長于富貴又以父兄早歿鮮知
問學宜令讀書知古今識道理俟有成立然後命
官庶可得其寔用乃命曹國公李文忠兼領監事
諭之曰國學爲育才之地公侯子弟咸在焉非得
威望重臣蒞之恐怠于務學故特命卿兼領其事

必時加訓勵俾有成就

上一日召國子生問之曰爾等讀書暇亦常習騎射矣乎對曰曾習之曰熟矣乎曰未也

上曰古之學者文足以經邦武足以戡亂故能出入將相社稷尊安今天下粗平武豈可廢詩曰文武吉甫萬邦爲憲文武並用古之道也國學之右舊有射圃今半鞠爲園蔬比來多壘啓聖拊髀無人肄雅三餘講求寧緩元許魯齋薛丞相而就祭酒教習蒙古生多建大功况國家周道四達兎豈鬱

然干城憂瓠石平今騎射之旨屢飭矣雅歌投壺
功多鄧禹因時狗鐸禦侮爲先願諸士無忘桑弧
之本志也○詔舉山林隱逸之士得藍田李誼授
國子學錄

○丙子十九年四月吏部奏用監生十四人爲六品
以下官

上諭之曰古人有言人始入官如入暗室久而方明
乃治矣汝等切記之毋爲人蔽惑也○五月

上以天下郡縣多吏弊民蠹皆繇襍流得以牧民命

祭酒司業擇監生千人送吏部除授州縣正佐○
擢膠州判陳南賓爲國子助教入見命講洪範九
疇反覆辨晰

上聽之大喜教國子尤善訓迪後擢蜀府長史南賓
名光裕以字行少讀書有俊名而持行端慤初以
薦丞無棣轉判膠州

○丁卯二十年復申飭學規一如宋訥所定○二月
差國子生武淳等往各處督造魚鱗圖冊○三月
監生古朴奏家貧願仕冀得祿以養母

上嘉之授工部主事迎養就京師○四月有國子生
任陝西渭南知縣或告其常受民財命刑部逮問
比至

上念其年少更事未多特宥還俾改過自新○禮部
奏監生病者多行太醫院撥良醫看治監中醫官
之設始此

○戊辰二十一年正月召前學正蘇伯衡至京同翰
林院編修掌中都國子監事李叔荆爲會試主考
官伯衡事竣卽辭歸遂不出○廷試得國子生任

亨泰爲首復召宋訥褒諭之命撰題名記立于監門○三月以李叔荆爲司業尋免制名篇後以字行崇仁人

上修日曆選國子生俊秀有文者二人攷義例繕得義烏黃昶引見西苑慰問良久曰爾何人之裔昶對曰文獻公潛臣從曾祖也

上悅遣侍臣出尚方綺裘革舄以賜○十月命工部造房百餘間國子監前以處監生之病者竈釜牀榻俱備仍令醫士共居焉

○巳巳二十二年令監生同御史王英照刷文卷後
湖之差始此

○庚午二十三年降學士劉三吾爲博士侍講葛鈞
爲助教以授晉世子經怠慢故也未幾復還職三
吾茶陵人○二月國子祭酒宋訥卒訥病將革猶
寢學廂其子麟托諸監屬懇歸時丁祭伊邇訥聞
之厲聲曰是何風聲氣少兒女情多况在丁祭齋
宿時耶至祭畢乃就舁歸臨終口不及一家事
上深悼之親爲文以祭給喪塋費歸令有司官沿途

致祭復遣行人臨祭于家至三十年中節學規
上猶思之日朱訥爲祭酒教出來的箇箇中用朝廷
好生得人至正德中追謚文恪○三月命司業龔
敦掌監事七月陞祭酒○是年雲南喙喙土官及
四川烏撒芒部土官各送子入監

○辛未二十四年春更定國子監官員數司業監丞
止用一人○祭酒龔敦坐罪免敦初以明經起家
歷四輔官至祭酒課士有方士翕然敬憚至是以
監生告假不奏聞疑其責放遂免○二月以景州

學正胡季安試祭酒季安南昌人以儒士掌敎入
見命講孟子稱旨遂用之以編修李本立爲司業
訓導雷子良爲監丞○三月諭禮部行國子監正
官嚴督諸生講讀大誥○以監生許觀會試廷試
俱第一召國子監官褒獎之○是年定諸生巾服
之制○選監生有練達政體者得方文等六百三
十九人命行御史事稽覈天下百司案牘

○壬申二十五年正月命祭酒胡季安實授朝賀賜
侍坐殿上○二月詔胡季安與翰林官考定六藝

以禮有職○三月擢建寧授周斌爲中都國子司業○七月擢國子生彭羽明爲兵科給事中明後死靖難師達墨麟爲監察御史夏原吉爲戶部主事

○癸酉二十六年陞大名府滑縣訓導宋復祖爲國子司業復祖前祭酒訥之仲子也○十月召祭酒胡季安選監生年三十以上能文章者三百四十人命吏部除授教諭等官○是年華中都國子監并其監生入監召司業周斌等還京斌改齊府

左長史陞中都國子學錄鄒濟爲國子助教濟字
汝舟錢塘人少爲諸生才識遂爲同輩所服繇餘
杭訓擢任中都至是轉助教力學自負稱明師焉

○甲戌二十七年八月詔國子諸生習讀春秋按春
秋一書爲人君父爲人臣子皆不可以不知今

上崇重是經講筵特設專官亦法 祖意云○是
年有監生趙麟者誹謗師長伏誅仍竿首監前示
衆

○乙亥二十八年十一月日南至賜國子生筵宴于

本監歲以爲常○左遷助教鄉濟爲西安府授又
改河間坐事註誤故也後川薦陞平度知州修撰
李貫薦修實錄書成陞禮部郎中陞叅政復左轉
吏部郎中擢左庶子授 太孫經音吐洪亮陞少
詹事其學尤長于春秋國子受業者多傳其學卒
謚文敏

○丙子二十九年三月祭酒胡季安坐胡惟庸黨得
罪免命學正吳啓署祭酒博士楊淞署司業

上以師嚴則道尊道尊則德立特召二人諭勉之○

四月署監事吳啓以六堂師生不分優劣無以激勸請

上命禮部會同翰林院詣國子監考試甄別高下送吏部以次擢用

上命魏國公徐輝祖監之得士鐵鉉等鉉卽授禮科給事中後官兵部尚書死靖難○六月令將監生年長者分撥諸司歷練政事○七月吳啓免以楊淞爲祭酒○九月 萬壽聖節賜國子生筵宴于本監

○丁丑三十年正月正旦復賜國子宴○二月擢監
生盧祥爲刑部郎中○四月賜監生夏布大小人
五疋家屬人二疋○五月祭酒楊淞坐罪免淞建
昌人少通五經郡守薦擢侍書遷博士署司業最
有時名然年耆性下遂徵請云○七月命太常寺
丞張顯宗署國子監事宗字明遠汀州人登辛未
進士上便宜數事學政一新修撰韓克忠署司業
事忠山東武城人丁丑廷試第一人行人匡顯等
署助教事○增定監規二十七條

上御門召顯宗及師生等誠諭之○時監生給假多
違限者顯宗疏請寬假許之

○戊寅三十一年

上以監生久違限者皆無志讀書命吏部除授遠方
典史以挫抑之○四月置磨坊于監前引後湖水
以銅閘啓閉皆祭酒張顯宗經畫也○七月顯宗
真拜祭酒開通成賢街正路分布號房○以張智
爲司業智字玄畧福建順昌人○王紳爲博士紳
特制碑之子也碑便與南爲元學梁王所殺時紳

年甫十三聰敏過人善屬文與兄綬事母盡孝及
母卒哀毀逾禮未幾綬亦歿紳焚焚憂患綜理生
業而杰然負奇志暇日益取經史百氏窮其指歸
求學士景濂一見器之曰子充有後矣蜀獻王聞
其賢幣聘賓禮教授蜀郡紳痛父未歸白其情事
于愼之給道里費使行訪求不獲卽死所哀莫號
慟幾絕道路悲之至是給事中徐誠御史黃凱交
薦遂有是擢時吏部尚書蹇義與時浮沆紳多書
切責之○學錄李誼辭歸田誼字叔方其爲錄也

誘掖啓迪之功最多

○巳卯三十二年卽建文元年二月纂修

高皇帝實錄博士王紳與焉紳尋改詞垣爲父請謚得

贈翰林學士謚文節文臣有謚自禕始紳年四十

一卒有子稔能世其孝○五月以大同訓導王達

爲助教達字達善無錫人初應辟爲鄉校師後改

大同訓導星子訓導鄒緝爲助教緝字仲熙吉水人

剛方廉介守正不阿初以明經策仕呈子茲用薦

借達並陞助教與博士王紳友善皆敦行以率諸

生未幾陞翰林侍講兼左中允兼庶子時又有典簿蕭邦現者亦以孝聞每就博士王紳聽其餘論卽心識之

○庚辰三十三年卽建文二年十月定監生歷事考覈法初洪武中各衙門考覈分勤謹平常不及奸頑四格奸頑者充吏不及者還監讀書至是定歷事各衙門以一年爲滿考覈止分上中下三等引奏上等不拘選用中等隨材任用下等回監讀書

○辛巳三十四年卽建文三年三月張顯宗奏監生

違限者多請勿除典史盡改充吏從之

○壬午三十五年卽建文四年正月陞祭酒張顯宗爲工部右侍郎募兵江西還復爲祭酒靖難後謫戍興州後平交趾起布政使勞來撫集夷民安附卒于官○八月以監生丁琰等四人爲給事中○以黃彥清爲國子博士靖難時以私誼建文逮死○又擢監生王孚姚伯善等九人爲給事中